

# ՄՏԵՓԱՆՈՍ ՌՈՇՔԵԱՆԻ ԲԱՌԱՐԱՆԸ

(ՔՆՆԱԿԱՆ ՏԵՍՈՒԹԻՒՆ ՄԸ)

(Շար. Բազմ. 1955, թ. 6-7, էջ 129)

## ՆԿԱՐԱԳՐՈՒԹԻՒՆ ՌՈՇՔԵԱՆԻ ԲԱՌԱՐԱՆԻՆ

Համառոտ նկարագրություններ մը Բառարանին հետաքրքրական պիտի ըլլայ: Չայն աչքով տեսած ըլլալու բախար ունեցած չենք: Ոգտուելով Հ. Յ. Տաշեանի տուած տեղեկություններէն (Մայր ցուցակ Հայերէն Չեռագրաց. հտ. Ա. գիրք Բ. էջ 22) ջանացինք հոս ամփոփել նկարագրական Ռոշքեանի Բառարանին:

Բառարանը կազմուած է երկու մասերէ (Ա.) Առաջին մասը, որ ընդարձակագոյնն է, հայերէնէ-լատիներէն է: Հեղինակը իր մեծագոյն ճիգը թափած է այս մասին և իր զուգորբանքին աւելի առարկայ ըրած է այս մասը, ինչպէս կը կարդանք իր նամակներուն մէջ: Կը բաղկանայ 638 թուղթերէ, վերջին թուղթը միայն պարսպ է կոնակի կողմը: Էջերու գումարը հետեւարար՝ է 1275: Երկսին է, տողերը 64-66: Մեծութիւնը թուղթին՝ է 31,5 × 20,5, անոգրիկ և բարակ թուղթի վրայ գրուած, Ռոշքեանին իսկ ձեռքով: Հատորը կաշեպատ է և քայքայուած: Չունի մագաղակայ պահպանակ: Շատ գործածուած կ'երեւի, և այդ իսկ պատճառով լուսանցքները տեղ տեղ սեւցած և փնստուած: Նօտագրով գրուած է, կանոնաւոր և ղիւրնթեանի: Չունի խորագիրներ: Խրաքանչիւր նոր տառին առաջին բառը գլխագրով կը սկսի:

Բ) Երկրորդ մասը կ'ամփոփէ բառեր լատիներէնէ-հայերէն: Այս մասը աւելի համառոտ է և ունի 336 էջ միայն, նոյնքան թուով տողերու խրաքանչիւր էջին

մէջ, և նոյն գրերով և միշտ հեղինակէն գրուած:

Հատորը չունի յիշատակարան: Բ. մասին վերջը միայն կը գտնուի հեղինակէն իսկ գրուած սա խօսքը. « Nemo de annis sed de meritis suis quisque aestimandus est ». « Ոչ սը ի տարերց (այսպէս է. ըլլալու էր ի տարեաց), բայց յարդեանց խրեանց ամենայն որ յարգելի է »:

Բ. մասին էջ 334-ին վրայ գրուած է սրիշէ մը Dominof, որ հաւանաբար կիթէ յատուկ անուն է, ըլլալու է ստացողը ձեռագրին. այդ անունը հոն քանի մը անգամ կրկնուած է, իբր յայտանիշ սեփականութեան:

## ՀԱՄԵՄԱՏՈՒԹՅԱՆ ՄԻԹՈՒՐ ԱՐԲԱՆՈՐ ՀԱՅ-ԿԱԶՆԱՆԻՆ ԵՒ ՆՈՐ ՀԱՅԿԱԶՆԱՆԻՆ ՀԵՏ

Համեմատական պատկեր մը Ռոշքեանի բառարանին և Միթիար Աբրահամ Հայկազեանին և Երից վարդապետաց Նոր Հայկազեանին հետ՝ մերձաւոր գաղափար մը կրնայ տալ Ստեփանոս Լեհացիին կատարած ճիգերուն, արժէքին և նաև իր եղանակին՝ բառերու բացատրութեան և բերած վկայութիւններուն:

Քանի մը սիններու միայն համեմատութիւնը չի կրնար, ի հարկէ, տալ մեզի լիակատար գաղափար իր բերած նորութիւններուն և իր թերութիւններուն, սակայն բաւական կը համարինք այդքանը, շատ չերկարելու համար մեր ներկայ գրութիւնը: